



Jens Napaattoq
Inatsisartunut ilaasortaq
inatsisartut@ina.alla.gl

Air Greenland pillugu § 37 naapertorlugu apeqquteqaammut 2022-152-imut akissut

02-08-2022
Suliaq normu: 2022 -14950
ID. nr. 78279326

Asasara Jens Napaattoq

Inatsisartut suleriaasianni § 37 naapertorlugu Air Greenland pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1. Naalakkersuisut Air Greenlandip innuttaasunut maani nunami billitsinik tuniniaanermik unitsitsinera akuerinikuuat? a. Taamaattoqarpat taava iliuusissanut pilersaarut ullumikkut sumut killippa?

Akissut: Naamik, billetsinik tuniniaanermik unitsitsigallarnissamik Air Greenlandip aalajangiineranut Naalakkersuisut akuunngillat.

Apeqqut 2. Millionerpassuit atorlugit maani nunami innuttaasut kiffartuussinissamik isumaqatigiissuteqartoqarpoq Air Greenlandilu. Mattussiinnartoqarsinnaava isumaqatigiissuteqaraanni taamaattumik?

Akissut: Nuissat pukkitsumiinnerat, putsernera, teknikkikkullu ajornartorsiuteqarneq patsisaallutik angalasut ornitassaannut timmisartuutissallugit ajornakusoortitsimallutik, Air Greenland juulip 11-ani nalunaaruteqarsimasoq paasivara. Air Greenland billetsinik tuniniaanermik juulimi unitsitsimmat, angalasut 1000-it missaanniittut tikitassaminnut ingerlariaqqissinnaasimangillat.

Angalasut ingerlariaqqissinnaangitsut naatsorsuutigisamit piaarnerusumik ikilisereersimallugit Air Greenlandip juulip 18-iani paasissutissiissutigaa, billetsinik tuniniaanertik ammaqqinniarlugu.

Allatut oqaatigalugu billetsinik tuniniaaneq sapaatip akunnerata missaani matoqqatinneqarpoq, immikkullu ittumik pisoqarsimasoq, kinguaattoornerillu sivisuallaartikkumanagit, ingerlariaqqissinnaasimangitsullu ikilisikkumallugit ingerlatsisoq iliuuserineqartariaqartunik iliuuseqarsimasoq paasivara.

Qanoq pisoqarsimanersoq, assingusumillu pisoqarnissaa pinngitsoortikkumallugu qanoq iliortoqarsinnaanersoq paasiniarlugu Ineqarnermut Attaveqaasersuutinullu Naalakkersuisoqarfiup Air Greenland attavigaa.

Apeqquut 3. Kiap isumaqatigiissutit taamaattut akuerinikuuai?

a) Airgreenlandimi siulersuisut?

b) Naalackersuisut aalajangiineq ilisimavaat?

Akissut: Inatsisartut akuersissuteqarnerisigut, kiffartuussinissamik isumaqatigiissutit Naalackersuisuusimasunit akuersissutigineqarput. Kiffartuussinissamik isumaqatigiissutit ukiuni qulini atuuttussanngorlugit isumaqatigiissutigineqarput. Air Greenlandimut kiffartuussinissamik isumaqatigiissummi allassimavoq, sumiiffinni kiffartuussinissamik isumaqatigiissuteqarfiusuni ilaasunik angallassinissaminik pisussaaffimminik ingerlatseqatigiiffik naammassinnissinnaajunnaaruni naalackersuisoqarfiga ilisimatissallugu pisussaaffigaa.

Apeqqutit ima paasivara, billetsinik tuniniaanerup unitsinneqarnissaa pillugu kikkut aalajangiisimanersut apeqqutigigit.

Paasissutissiissutigeqqissavara, aalajangiimmata aalajangiisimaneq Naalackersuisut ilisimanngimmassuk. Piffissami sivirusumi piffissaq eqqorlugu angallassisoqarsinnaatinnagu "sioqqutsisumik ilimasaaruteqarnikkut" ingerlatsisut nalunaaruteqarnerisigut, Ineqarnermut Attaveqaasersuutinullu Naalackersuisoqarfik nalinginnaasumik ilisimatinneqartarpoq.

Piffissaq eqqorlugu angallassisoqarsinnaasimannginneq pillugu paasissutissiisoqarsimannginnera, kingusinaartumillu paasissutissiisoqarsimaneq pillugu Naalackersuisoqarfiup Air Greenland oqaloqatigaa, Air Greenlandillu paasissutissiissutigaa, immikkoortotaqarfimminni napparsimasoqarnera patsisaalluni sulisunik amigaateqarnermikkut sioqqutsisumik ilimasaaruteqarnissaminnut kinguaattoorsimallutik.

Naalackersuisut Siulittaasuat kiisalu Ineqarnermut Attaveqaasersuutinullu Naalackersuisoq pisoq pillugu ilisimatinniarlugit, Air Greenlandip juulip 14-iani aggersarpai.

Oqaasiinnakkut taamatut paasissutissiisoqaraluartoq suliap ingerlasimaneq naalackersuisoqarfimma maanna nalilersorsimalerpaa nalilerlugulu, oqaasiinnakkut ilisimatitsisoqaraluartoq periusissatut isumaqatigiissutigineqartoq naapertorlugu, billetsinik tuniniaanerup unitsinneqarnissaa sioqqullugu Air Greenlandip naalackersuisoqarfiga ilisimatissimanngikkaa. Tamanna pillugu siunissami pitsaaneruseqatigiinnissap qulakkeerneqarnissaanut sunik suliniuteqarniarnerisigut allakkatigut nassuiaasiornissaanik kissaateqarfialugu, allaffeqarfiga Air Greenlandimut allakkiussasoq qinnuigaara.

Apeqquut 4. Innuttaasut angalanissaminnut billitsinik inniminniisinnaannginnerat taamaasillutillu angalasinnaajunnaartitaallutik innuttaasut, Naalackersuisut tamanna isumaqatigivaat?

Akissut: Oqaatigineqareersutut Naalackersuisut isumaqarput, immikkut ittumik pisoqarsimasoq. Tamatuma saniatigut Air Greenland suliffeqarfiuvoq namminersortoq, Kalaallit Nunaatalu iluani timmisartuussinissap, Kalaallit Nunaannullu/-niillu timmisartuussinerup qulakkeerneqarnissaani – aamma immikkut ittumik pisoqartillugu –

aalajangerneqartariaqartunik aalajangiisarnissaanut Naalakkersuisut nalinginnaasumik tatiginnipput.

Apeqqut 5. Naalakkersuisut taamatut siunissami pisoqaqqinnginnissaa pinngitsoorniarlugu pilersaaruteqarpat? Assersuutigalugu umiarsuarnissaq periarfissaanani Avannaa annertuumik eqqorneqarpoq.

a) Naalakkersuisut sinersortaatinik angalanermut aaqqiissutaasinnaasunik piomassuseqarpat aasakkut Upernavimmut aammalu Uummannamut tikittarsinnaasunik?

b) Aaqqiineq taamaattoq qanoq akeqassava?

Akissut: Kalaallit Nunaanni ilaasunik angallassineq pillugu kiffartuussinissamik isumaqatigiissutit ukiuni qulini atuuttussat Naalakkersuisut 2020-mi atsiorpaat. Inatsisartut Aningaasaqarnermut Akileraartarnermullu Ataatsimiititaliaata akuersissuteqarneratigut atsiorneqarput. Taassumap malitsigisaanik qulimiguulinnik ingerlatsisoq attartornermigut umiarsualiilluni Avannaani angallassisussaavoq.

Taakku oqaatigereerlugit atorfilittama ingerlatsisut assigiinngitsut ataavartumik oqaloqatigai, siunissamilu qanoq pitsaanerpaamik angallassisoqarsinnaassanersoq Naalakkersuisut ataavartumik aamma isumaliutigaat.

Aasaanerani Upernavimmut Uummannamullu sinersortaateqartitsineq qanoq akeqassanersoq pillugu paasissutissanut ugartorneqartut Naalakkersuisut paasissutissaateqanngillat. Ataatsimik periutsumik tunngavilimmik angallasseriaaseqalissasoq 2005-imi aalajangerneqarpoq. Nunatsinni angallasseriaatsimi tamarmiusumi annertuumik sipaaruteqartitsissasoq taamani naatsorsuutigineqarpoq.

Apeqqut 6. Hurtigruten siornatigut takornarianik angallassisinnaanermik sineriatsinni Upernavik tikillugu angalasinnaasunik neqerooruteqarnikuuvoq akuerineqarsinnaasumik akilimmik, tamanna suli periarfissatut Naalakkersuisut sulissutigeqqinniirpaat ullumikkorniit innuttaasut pitsaanerumik sullinneqarnissaat anguniarlugu?

Hurtigruten kingullertigut taamatut neqerooruteqarsimanissaanik Naalakkersuisoqarfiga ilisimasaqanngilaq.

§ 37 naapertorlugu apeqquteqaatinut allanut Naalackersuisut akissuteqarnerminni paasissutissiissutigisaattut (assersuutigalugu 2022-097 takuuk), Arctic Umiaq Line A/S- ip Norskillu pigisaata Hurtigrutenip suleqatigiinnerisigut niuerfik, takornarialerinerullu ineriartortinneqarnissaanut periarfissaasinnaasut misissuiffigineqarput. Suliat tamanna annertuumik soqutigalugu Naalackersuisut avataanit malinnaavigaat, suliallu taassuma inernissaa utaqqimaarlugu.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Erik Jensen